

**Ufficio Stampa della Provincia autonoma di Trento**  
Piazza Dante 15, 38122 Trento  
Tel. 0461 494614 - Fax 0461 494615  
uff.stampa@provincia.tn.it

**COMUNICATO n. 2493 del 13/09/2021**

**Traduzione in cimbri**

## **Didaktik gert: atz 13 von bimmat dar termìn innzogeba di prodjèkte**

**'Z soinz 34.800 € boda di Provìntz hatt geleck auzohalta edukatìf prodjèkte boda innhalt'n drai djar, pinn zil zo macha didaktik gert zo macha khennen di kultùr von ekhar un bia zo maga vùrgian pittnar lantschafft boma mage auhalt'n un pittnan lem mearar gesunt. Dise edukatìf prodjèkte mang khemmen inngètt von untar, mittl un obar schualn, saiz provintziàl saiz glaichege, auz baz di sèlln boda sa soìn drà vùrzovüara an prodjèkt asó nà. Di vorsch zo maga hãm in schütz mochan khemmen inngètt von schualn, durch in sistèm PiTre vor atz 13 von bimmat 2021 in Dienst vor di schualn – progråmm un organisatziõng Àmt.**

Nà in sèll boda auzmacht daz provintziàl gesetz n. 2 von 2018 di Provìntz vo Tria bill auhalt'n un vùrvüarn di didaktik gert azpe plèt'z boma mage lirn'n arbat'n leganteda di hent sèlbart azpe in a bèrkstatt. Pinn provedimènt vo haüt da provintziàl Djunta hatt vùrgelekk an schütz pitt gèlt vor di schualn boda bartn, nà in an garadegen progråmm, inngem prodjèkte vor ditza.

Disa inìtziatìf, boda vùrgeat sidar 'z djar 2018 hatt geholft, sin haüt, auzolega 84 prodjèkte, in sovl schualn saiz untar, saiz mittl schualn. Vo haür vort bartnda mang inngem soine edukatìf prodjèkte di obarschualn o. Dar vorsch zo haba in schütz bart mochan khemmen inngètt pitt soìn formulår boda iz khent boroatet un boma mage vennen afte wwebsait [www.vivoscuola.it](http://www.vivoscuola.it).

**Übarsetzt von Schaltarle vor di zung von Toalkamou vodar Zimbar Hoachebene**

(Traduzione a cura dello Sportello linguistico della Magnifica Comunità degli Altipiani Cimbri)

(cdt)